

YMA Chu tanpui ngaite tanpuitu a ni

ESTD.1990



YMA

AW



CHANMARI WEST BRANCH YMA CHANCHINBU KAR TIN CHHUAK. VOL. XXIII. ISSUE NO.11 13<sup>rd</sup>March 2011

## BRANCH EXECUTIVE COMMITTEE NEIH A NI

**Chanmari West March 13:** Ni 7.3.2011(Thawhtan) zan khan Branch Executive Committee Pu TC.Lalhmangaiha CH Section te inah neih a ni.

Chanmari West Branch YMA Executive committee chu ni 7/3/11 (Thawhtan)zan khan Pu T. Ngurkhuma, President kaihruaina in neih a ni. Thurel tlangpuite chu a hnuia mi ang hi a ni:

### REPORT :

Section	Member	Life Member	YMAAW	YMA Chanchinbu
Chawngbawla	524	28	181	13
Khuangchera	479	20	195	26
Neuva	390	19	126	21
Taitesena	544	47	220	14
Vanapa	536	30	197	20
<b>TOTAL</b>	<b>2473</b>	<b>144</b>	<b>919</b>	<b>94</b>

- a) YMA Buk luan tur atan Pu Lalngaihawma thlan a ni.
- b) Red Ribbon Inter Village Football neih zawh takah V/C team te ` 1000 pek an ni.
- c) Kum 2011 atan Chhiatni Fund section hrang hrang te'n Category 2 ah khawn leh tur a ni a, Category A ah ` 200 (85%) leh Category B ah ` 100 (15%) a khawn tur a ni.

Ni 4.3.2011-a Chapchar Kut kan hman zawh tak review-na hun hlimawm tak neih a ni a. He hun a kan Branch YMA in Rallulam, Khuallam leh Cheraw ropui taka entirna hun a neih ah kawng hrang hrang a hma la tute ZCC, CWSC, MUP leh mimal bungraw hmantir tute zawng zawng chungah leh lam mawi taka entirtu te chungah committee chuan lawmthu a sawi takzet a ni. Tarlan tawh angin Chapchar Kut inbuatsainha ah hian ` 8467 hmanral niin ` 19000 dawn a ni

### THURELTE :

- a) Kumin 2011 chhunga YMA hruaitu zawng zawng ( Br.Executive, Section, Sub-Comm't leh Ed.Board) te March thla chawhnu lam hian Intuaitharna hun neih tura ruahman a ni a, programme leh tuldang chu Branch OB te kuta dah a ni.
- b) Kan Branch YMA in Type Writer kan hman tawh loh 2 la awm chu Mualkhang leh Rullam Branch YMA te hnenah pek nise tih a ni.
- c) Central YMA in Mizo Traditional Games Displine hrang hrang hmanga Sport a buatsaih turah kan Branch pawh tel ve ngei nise a ti a. He Sport atan a hma lo la turin Organising committee din a ni.

Chairman	:	Pu Lalriniana (Te-a)
Vice Chairman	:	Pu H.Vanlalvena
Secretary	:	Pu RK Rozidingga
Asst.Secretary	:	Tv.Zairemmawia
Branch OB i/c	:	Pu K Darthanluanga
Members	:	Pu F.Lalhmingmawia Pu TC.Lalhmangaiha Pu C.Lalmuankima NI.Vanlalmuanpui NI.Ellen Lalrintuang

- d) Zarkawt Youth Congress Committee in Ni 14 & 15.4.2011 a Aizawl North III, MLA Volleyball Running Trophy a buatsaih tura kan Branch YMA te tel tura min rawn sawmna chu Branch committee chuan Branch hminga tel turin Chanmari West Sporting Club kutah hlan chhawn nise tih a ni a, tul leh tha an tih anga lo kalpui tura tih a ni.

### Branch News

Ni 24.3.2011 zan khian Chanmari West Branch YMA huang chhunga nihna nei zawng zawng ten in hmelhriatna leh intuaitharna neih tur a ni a, hruaitu te hunawl lo in siam turin leh hemi zanah chuan pawl dangte pawhin Programme lo siam lo hram turin kan in ngen lawk a ni.

Branch Exe.Member N1. Lalramengzami chu Mumbai-ah in check up in a zin mek a, dam taka a lo haw kan beisei.

Branch Exe.Member Pu Lalramhluna Hauhnar chu Under Secretary-ah kaisangin, LAD-ah a awm a, a kaisang hi kan lawmpui tak zet a ni.

YMA Aw leh YMA Chanchinbu la duh tur la tifel lo Section te chuan aranglama tifel turin kan in ngen e.

Heng mite hi vengdang atangin kan vengchhungah an rawn pem lut :-  
1. Pu Lalmuankima, New Diakkawn Kolasib atangin Pi Thanghlupui 'V'Section te In luah.

2. Pu Lawmsangkima te chhungkaw member 5 chu Sialhawk North atangin Pu Mathewa In Char tuikhur bul 'V'Section.

3. Pu Lalchia, Bethlehem atanga rawn pem, Pu Thangluai in luah.(T-Sect.)

### Keimahni

Chi leh hmarcha hmui chauh kan in chhawp laia Pu L a l h m i n g l i a n a ( P u i a ) , Pu R.Lalsangzuala leh Pi Saidingpuii te'n thingpui tuihnai tak min lumsak thin a, kan lawm hle.Section hrang hrang hruaitu min tawiawm thin te chungah pawh kan lawmthu kan sawi seng lo.



TUN KAR CHANGAWN

'Thi tura hruaitu chu chhanchhuak la. Thah mai turte chu chhanchhuak thuai rawh.'

Thufingte 24:11

**Editorial Board****Editor**

RK.Rozidinga  
9436142304

**Joint Editor :**

RK. Malsawmkima  
9862578441

**News Editor**

Tv. Thangkhuma  
9862303135

Pu Vanlalhluta  
9862366308

Tv. Vanlalfawna  
9856301975

**Cir.Manager**

Johny Lalthanpuia  
9612359161

Jacob Lalrinsanga  
9612319779

**Production Manager**

R.Lahmachhuana  
9436151817

**Branch Office Bearer****President**

T.Ngurkhuma  
9436190843

**Vice President**

R.Lahmachhuana  
9436151817

**Secretary**

RL.Thanhnuna  
9436152760

**Asst. Secretary**

K.Darthantluanga  
9436196071

**Treasurer**

C.Lalzarliana  
9436142049

**Fin.Secretary**

Lalthuamluasia  
9612216649

**Advisers**

Pi Zamanthangi  
Pu Vanlalsawma  
Pu Rothuama  
Pu Lalbiakthanga  
Khiangte

Nang erawh chu engkimah fimkhur la, hrehawm tuar la, Chanchin Tha hriltu lam hna thawk la, i rawngbawlna kha hlen rawh. II Tim 4:5

**Editorial :** Kan hma lawk March thla chawhnu lam hian YMA hruaitute in tuaitharna hun hman a ni leh dawn a, he hun pawimawh tak hi hruaitu kan nih a, YMA tana rilru kan seng takzet tu kan nih chuan hruaitute'n bawhphelh chi a ni hauh lovang.

Chanmari West Branch YMA hi vengdangte thlirna atanga 'Lamthiam Veng' tih ringawt ah a tawp mai ang tih a hlauhawm a, hemi bak piahlam ah hian tihtur tam tak a awmin kawng engkimah theihna kan nei a ni tih abikin YMA hruaitute hian kan hriat nawn a pawimawh hle. Hruaitu nihna mai dinhmun atanga thlir mai lovin engangin nge tlwmngaihna leh zonunmawi kan lan chhuah tir tih mahni theuh kan in zagh nawn a pawimawh takzet a. Mahni Section bil mai nilo vengpum huap thei ang ber a kan inpek a pawimawh hle a ni. Midangte tih a dah mai lova ka pawimawhna hre reng turin hruaitute hian rilru pu theuh ila, khawtlang mawina tur leh veng hmingthatna tura ke kan penna ah hian thlei bik leh phurna bik hun leh hmuna duhtawk mai lo hian khawkipah pawh hruaitu nih mai duhtawk lo hian thahnemngai takin ke pen theuh i tum ang u. Fel famkim leh tha famkim bik a awm theih loh kan ti a ni mai thei, kan phak tawk leh theih tawk theuhah hian rualkhai tak leh rilru puitling pu theuh ila tu dang kan ngai bil lawng e.

**Kumpuan kaihruaina (chhunzawmna)****THEN HNIHNA****NUNPUI TUR LEH INZIRTIR NGAI TE****1. Chhungkaw tha buatsaih :**

Khawtlanga mihring nunhona awmze neihtirtu ber chu chhungkua hi a ni. Chhungkua hi sikul hmasa ber a ni a, chhungkaw nun dik atangin nunmawi a lo chhuak a, chhungkaw nun dik lo atangin sualna a lo chhuak bawk thin.

Chhungkaw nun thain khawtlang nun tha a siam a, khawtlang nun thain hnam nun tha a siam a ni. Chhungkuaah hengte hi inzirtir uar sauh sauh ila : a) Nu leh pa zah leh chawimawi.

b) Chhungkaw dinhmun mil tawka khawsak thiam.

c) Naupang lutuk a nupui/pasal neih loh.

d) Nu leh pain fate thlahthlam loh a, a tam thei ang bera uap.

e) Mizoramah mahni intihlum a hluar ta hle mai, hemi veng tur hian chhungkuaah zirtirna tha inpek ni se.

**2. Mizo nun zemawi chawi nun :-**

Mizo nih tinuamt, Mizo nun timawitu, Mizokhawtlang nuna chhuanawm tak takte hi chawi nung thar leh turin tan la ila : a) Tlawmngaihna leh rinawmna chhawm nun.

b) Aia upa zah leh naupang zawkte duhsak.

c) Thenawm khawveng laka thilphal. d) Tanpui ngai apiangte tanpui. e) Tawngkam mawi leh hawihhawm hman. f) Midangte ngaihchan nachang hriat.

**3. Intodelh leh taimak :-** Intodelh hi zahawmna a ni a, mahni thawhchhuah leh rochan phuloa nun leh khawsak hi thil zahtlhak tak a ni a. Thatchhiat leh dawngdah avanga nghei reng leh pachhiate hi miten an tanpui chak ngai lo. Ramdang mi leh hnamdang miten kan rama hna an thawh ang hi, a ram neitu thalaite hian kan thawk thei ve theuh a ni. Mamawh ngah chuan hna a thawh tam a ngai a, malsawm tlaka taima taka hnathawh hi intodelhna kawng pawimawh tak a ni tih hi inzirtir uar ila.

**4. Ngaihhlut tur thlan thiam :-**

a) Zaithiam te, hmeltha te, infiam mite hi mi tinin kan ngaisang a, kan buaipuii kan phurpui chiam thin. Hnam changkangte erawh chuan tihtur tih loh phah khawpa buaipui chiam an ching ve lem lo, hnam mawl zia deuh a ni awm

e.

b) Thawhrim avanga mi hlawhtlingte, rinawm taka mahni hna thawk thinte, ram leh khawtlang tana tangkai zawnga mi inphalte hi an ngaihsanawm a, entawntlak pawh an ni a, chawimawi an phu. Kan tum phawt chuan anmahni ang kan ni ve thei tih hi pawm tur a ni.

**5. Zirna leh thiamna kawnga rual el :-**

Zirna leh thiamna hi hmasawnna kawnga rabbi hmasa a ni a. Khua leh venga mithiam an tamna apiangah khawtlangin hma a sawn a, khawtlang nun a nuam nge nge. Chuvangin zirlaita fuihthiam te, zirna kawnga mi hlawhtlingte ngai hlu a, chawimawi a tha hle. Chhel leh taima taka kan zir peih phawt chuan hnamdang te kan phak a ni tih hi zirlai thinlungah tuhin, Sorkara dinhmun pawimawh luah thei turin Central Service exam hrang hrang te hmachhawn tura inbuatsaih a tha hle. Hetih rual hian zirna kawnga hlawhtling lem lo - mitaima, tumruh leh kut themthiam te tan hlawhtlinna a awm tho a ni tih hi thalaite zirtir nise. Vawihnih khat hlawhchham avanga beidawng mai lovin, tumruhna nei tlat turin thalai te zirtir nise.

**6. Khawtlang, ram leh hnam hmangaihna thinlung neih :-** Thing leh maute leh nungchate hi mihringte nunna hnar an ni a. Tura sangha leh nungcha hraite dodalin, ram kang tur ven hi a ram neitu mitin mawhphurhna a ni a. Tui lakna leh tuikhur hnar vah chereu te hi tuihna tikangtu a ni a, kan humhalh tur a ni. Nungcha leh ranvulh te laka ngilneih hi nunphung tha a ni a, an chunga hleilen leh tihnwamnah te phei chu thieng lo leh hmuungil lohna hiala ngaih thin a ni. Mihringte hi a huhoa cheng leh inngengtawna khawsak kan nih avangin inpumkhat nan inlainat tawn leh inngaichang tawn taka khawsak ho a tul hle. Kan ram neihchhun MIZORAM hi, Pi leh Pu ten ral leh sahrang hmaa min lo sahchhuah sak ram anih avangin enkawl a humhalh tlat tur kan ni a. Kairuainain a tarlan kan do tur te hmachhawn a, nun ze mawi leh nunphung tha te chhawm nung zelin, a neitu rilru pu a, ram leh hnam hmangaihna thinlung nena hma kan lak phawt chuan Zofate hian hma kan sawn ngei ang.

(phek 4 na ah chhunzawm a ni)

## TAITESENA

Ni 10.2.11 zan khan Section committee an thukhawm.

Kumin 2011 chhung hian 'Faina Hnatlang' thla tin neih tura ruahman a ni a, member te thahnemngai taka hnatlang thin turin an in ngen lawk.

Vawiin tlai Dar 2:30pm hian Secretary Pu RK.Rozidina te in ah thu pawimawh tak ngaihtuah tur a awm avangin hruaitu zawng zawnge kim tak leh a hun taka kal tum theuh turin an in ngen.

Vengchhung a lo thiaghlim a a lo hrisel zawk theih nan chhungtin te mahni in leh a vel vawng thiaghlim theuh turin an in ngen nawn leh.

Section chhunga Dawr nei te mahni dawr bul ah theuh bawlhhlawh bawm felfai taka dah a uluk taka enkawl theuh turin an in ngen.

YMA AW man rawn khawn a ni dawn a, chhungtinte tlawmngai taka lo pe theuh tur leh a ranglama tifel theuh turin an in ngen.

## CHAWNGBAWLA

Ni 11.3.2011 zirtawp zan khan Pu J.K. Zosangiana te inah committee an nei. Hetah hian chhiatni fund, YMA Aw, Property chungchang leh adangte an rel.

Chhiatni Fund hi Category A leh B ah then a ni a, A ah hian Rs 200/- B ah Rs 100/- thawh tur a ni. Section hruaitu ten an rawn khawn dawn a, remchang lo in siam turin an in ngen.

YMA AW man Rs 80/- pawh section chhungah khawn tan a ni dawn a, YMA AW la tute an in hriattir lawk. YMA AW hi copy 177 lak a ni.

Section bungrua enfel hnatlang inrinni zingkar khan an nei.

An committee member Tv. Vanlalngheta Pachuau leh N1. Zothansangi D/o T. Zorampela te chu ni 29.3.2011 dar 1:00 PM hian Chanmar West Presbyterian Kohhran Hall ah an innei dawn a, Chawngbawla Section YMA member te he inneihna hmanpui tur leh a tul anga buaipui tur atan a an sawmna chu committee chuan tih hlawhtlin sak ngei turin member tin te a chah.

Chhiatni kaihhruaina in tinah rawn sem a ni ang.

Section chhung khawlai a bengchheng leh rui chunga zan rei deuh deuh khawlaia thu thin ten an sim theih nan duty an tum a. Hei hi hetianga awm ching te tan warning anga lo ngai turin an hriattir.

## NEUVA

Vawiin tlaidar 3:00 hian Pasaltha Neuva Inah Section Committee koh a ni.

An Leader Lungleia eizawnna thila zin pawh dam takin a lo how leh ta

An member hruaitu lo ni tawh thin Lalthafamkimi zirtawpni a pasal nei leh ni 17.3.2011 - a Manipura Dar Thiaghlima nei tur Zoram Siam te an lawmpui hle.

An hruaitu Henry Lalremruatpuia'n karleh ni 17.3.2011 a nupui a neihna turah member leh hruaitute atul apiang a buaipui tura sawm kan ni e.

## VANAPA

Ni 15.3.2011(Thawhleh) zan Dar 7 ah hian Pu H.Lalrinthanga te In ah zaipawl hla zir leh tur a ni a Section Member zawng zawn te hla zir naah tel turin an in sawm.

Ni 8 (thawhlehni ) zan khan Upa H.Lalrawna inah A.I.R, Aizawl a thun tur Ramngaih hla Zaipawl zir tan a ni a, Zirtawp zanah Pu H.Lalrinthanga inah zir a ni bawk, member 30 chuang an hawkchhuak thei zel a. Hla zir na atana an in phal taka hman tirtu Upa H.Lalrawna te leh Pu Lalrinthanga te chhungah chungah lawmthu an sawi.

Zoram Chhiah leh Leiman pekna Receipt a theih ang ang sem chhuah a ni a, in hriat sen vek anih loh avangin Zoram Chhiah Receipt bik hi lak loh ala awm nuala Section Leader Pu VL Thakima hnenah lam theih reng ani.

Section chhung Kawngpui a tlo zawk nan mitin in dim theuh turin an in ngen, Kawng dungah Motor sil leh tui ti luang lo turin chhungah tin te an in ngen a ni.

Section Leader, Bharat Nirman Campaign in Saiha District lamah tunkar kalta chhung ava cham. An hruaitu Tv Mahriata pawh Hortoki lamah rawngbawlin a thang mek bawk.

Tunkar hun remchang hmasa berah Section Committee neih tum a ni a, Hun remchang lo insiam turin hruaitu te an inchah.

Tv Malsawmkima (Mala) mitliam vanga damdawiin awm a dam leh thuai an beisei, Lalnunhlui D/o R. Lalremsiama, Zohmingmawii D/o C. Lalsangzuala te pawh dam lam an pan mek e.

(V-Sect. report chhunzawmna)

Tunkar hun remchang ah Section Committee neih tum a ni a Committee member te lo in ring turin an in chah.

Chhiatni Fund Section chhungah rawn khawn tan a ni dawn a, chhungah tin te lo in ring lawk turin an in ngen a ni.

## KHUANGCHERA

Pu K.Lalengmawia'n bungraw in a dah tur Steel Rag a pe leh Pu Peter LT.Mawia'n Silpouline 2 ape chu an chungah an lawm hle.

Hun remchang ah Buk hawnna neih tum a ni.

Central YMA in Traditional Games a buatsaih tur a Item hrang hrang a tel turin memberte lo inring turin an in ngen.

Section Bungrua kawl kan la awm a, a ranglama bungraw in a dah turin an in hriattir.

Ni 24.3.11 zana Retreat an neih na tur thupui hrang hrang te ngaihtuah a sawiho a ni.

Chhiatni Fund leh YMA AW man khawn tan a ni a, chhungtinte a ranglama lo pe fel turin an in ngen.

## LOCAL COUNCIL NEWS

FAINA CHUNGCHANG: Vanapa Section YMA Rûn chhak, Ramlai Welfare kawng kamah bawlhhlawh tam tham tak pah thin an awm a, pah tawh lo tura hriattir an ni. Thawtanni leh Nilaithawtanhapiangin Pu Lalkunga kawmthlangah bawlhhlawh pah motor a lo kal thin a, hetah hian pah vek tura hriattir an ni.

HNATLANG: Mami tuikhur leivungin hun rei tak a chih tawh chu hai fai tur a ni a, Neuva Section huamchhunga awm, chhungtin atangin chhungah aiawh zo ngei pakhat theuh ni 19.3.2011 (inrinni) zingkarah hnatlang theuh turin Local Council chuan a hriattir / ngen a ni.

April thla chawhma lamah Rûnlak hnatlang nei turin Local Council chuan ruahmanna a siam mek a ni.

Chanmar West veng chhunga pem lut reng rengin Local Council chairman / secretary hnenah pem lehkhah pek luh tur a ni a, pe lut lo chuan residential / ration card / VC Gas card pek chhuah an ni lovang.

YMA AW hi YMA BUK ah chhut/buatsaih a ni tawh a, thu chhuah tur leh Report pe tur te Editor hnenah emaw, YMA BUK a letter Box leh chhutna hmunah dah thin tur a ni e.

**Sub - Committee Report**

Ni 20.2.2011(Sunday) a Kumpuan Sub-Committee thukhawm chuan heng a hnuai a mi te hi 2011 chhunga member atan an ruat :-

1.Pu C.Lalramzauva	CH
2.Pu K.Lalthakima	CH
3.Pu T.Zothanpuia	CH
4.Pu Lalthlamuana	K
5.Pu T.Lalrinawma	K
6.Pu VL.Thakima	V
7.Pu H.Lalremruata	T
8.Pu Lalngaihawma	T
9.Pu H.Lalremtluanga	V
10.Pu R.Vanlalsawma	V
11.Tv.C.Lalfela	T
12.Tv.Zairemmawia	N
13.Tv.RK.Malsawmkima	T
14.NI.H.Vanlalhruaii	K
15.NI.K.Lalthanpuii	CH

## ZCC NEWS

Ni 10&11.3.2011 khan Art & Culture Department leh Songet Motok Academy biatsaih Chheihlam Festival / Seminar Vanapa Hall a neih a member 15 tel ve a ni.

Chanmari West Branch YMA Chapchar Kut a lawmman an dawn atangin Rs 1500 lai club an pe chu an lawm hle.

An member exam nei mek te tha taka ti turin duhsakna an hlan.

## Kumpuan kaihruaina (chhunzawmna)

CENTRAL YMA TIH TUR :

1. Kumpuan hawnna leh Kumpuan pualin Seminar/Workshop buatsaih ni se.

2. A theih leh remchang chinah Kohhran, Sorkar Department, tlawmngai pawl dang thawhpui theih awmte thawhpui ni se.

3. Kaihruainain hmalakna tur kawng hrang hrang a tarlan bakah a tul dan azira hmalak ni se.

4. YMA General Conference thupuiah hman ni se.

5. A theih leh remchang angin Central YMA Chanchinbuah tarlan thin ni se.

6. Kumpuan bawhzui tha Group leh Branch tan lawmman a buatsaih ang. SUB-HEADQUARTER YMA TIH TUR :

1. YMA Sub-Headquarters Conference thupuiah hman ni se.

2. A theih leh remchang chinah Kohhran, Sorkar Department, tlawmngai pawl dang thawhpui theih awmte thawhpui ni se.

3. Kaihruainain hmalakna tur kawng hrang hrang a tarlan bakah a tul dan azira hmalak ni se.

4. Kumpuan bawhzui tur Committee indin ni se.

## CYMA NEWS

Central YMA chuan heng sports discipline/item, Mizo Traditional Games, Cricket leh Tug of War ah te hian Tournament a buatsaih dawn.

### 1. Mizo Traditional Games atana

#### Item tur te :

#### Mipa

- |                      |                  |
|----------------------|------------------|
| 1) Inbuan            | 5) Insaihruipawh |
| 2) Insuknawr         | 6) Arpa thai     |
| 3) Arpa insual       | 7) Kalchhet      |
| 4) Sanghar ngul lawn | 8) Lungden       |

#### Hmeichhia

- |              |                            |
|--------------|----------------------------|
| 1) Kawikah   | 3) Ketaminu intlansiak     |
| 2) Inkawibah | 4) Zawnga leihlawm dim dim |

Tan hun : 29th March, 2011

Entry Fee pek theih hun chhung : 25th March, 2011

Entry Fee : Mipa Rs. 300.00, Hmeichhia Rs. 200.00

Ahmun : RamhlunSports Complex, Aizawl.

### 2. Cricket (M) (Ramhlun Sports Complex)

Tan hun : 5th April, 2011

Entry Fee : Rs. 300.00

Entry Fee pek theih hun chhung : 1st April, 2011

Fixture lam theih hun : 4th April, 2011  
Quarter Final atangin Lammual-ah khelh tum a ni.

### 3. Tug of War (M&W) (Ramhlun Sports Complex)

Tan hun : 5th April, 2011

Entry Fee : ` 100.00 (M&W)

Entry Fee pek theih hunchhung : 1<sup>st</sup> April, 2011

Fixture lam theih hun : 4th April, 2011

Tournament-a tel turte chu mahni Branch YMA member dik takte chauh Players hman tur a ni a. Player in chuh leh complaint a awm chuan MLA Electoral Roll thar ber hmanga thutlukna siam a ni ang. Electoral Roll-a chuang lo tan Pem Lehkha hman a ni ang. Branch mal anga chhuah remchan lohna khua/veng ah chuan Joint YMA hminga chhuah theih a ni ang a, Sub-Hqrs. leh Group hminga chhuah erawh chu a remchang lo.

## HETAH HIAN SMS LA

>>9774170328<<

Chanmari via Vaivakawn kawngpui Side drain siam mek a a siamtu te'n an hmanrua kawngpui a an dah thla nuaih mai hi felfai deuh zawka dah dan a awm lawm ni. Kawnga tui an luan tir te hi ke a kal te leh motor veivak tan a kham awm ta khawp mai. Awmze nei zawka luan tir dan a awm hram lawm ni.

977012\_ \_53.

(SMS kan dawn te hi Ed. Bd ngaihdan a ni vek kher lo)

## CWSC NEWS

Ni 6.3.2011 (Pathianni) tlai khan OB meeting Pu Lalbiakhla te inah neih a ni a, thu pawimawh tak tak rel a ngaihtuah ho a ni

Tunkar lo awm tur hian Mizoram pum huap Badminton tournament buatsaih a ni dawn a, hrechiang duh leh tel tum te chuan Gen.Secretary CWSC hnenah zawhfiah theih a ni e.

ADVA Season Ending Tournament atan Ni 14.3.2011(Mon) tlai atangin Practice tan tur a ni a, 2<sup>nd</sup> Div. players te kim taka kal turin an in hriattir.

2<sup>nd</sup> Division Season Ending Football Tournament April thla tir hian neih a ni leh dawn a, players te lo in ring lawk turin an in ngen..

## MIPUITE HNENA NGENNA

Revenue Department chuan Leiman, chhiah a khawn mek a, in tin ten ngaih pawimawh nise. Nikum lama tello Zoramchhiah a tel tak avangin Rs 30/- in a pung tih hria ila, kum 2009-2010 pekna receipt ken nise LSC ken kher a ngai lo ang.

Chhiah pekna hmun : Revenue Department Building Top Floor

Pek hun : Zing dar 9:30 - 3:00 PM  
March 2011 ral hmaa pek kim vek tur a ni e.

**CHAM CHAM STORE**  
**Chanmari West. Aizawl. C-85/01A**

Ph. 9436352887 / 0389-2348162

**Hengte hi kan ti thei e.**

Xerox, Lamination, Photo Block Lamination,  
Passport Size, Spiral Binding, Invitation Card,  
Visiting Card, Signboard, Baner designing etc.

*Photo quality tha tak water proof  
Camera, Mobile Phone etc. atangin kan print thei.*

